

虛

舟

題

跋

楊竹坡續刊竹雲題跋序

金石文字流傳家為奧曠而
考評題識雅不在多顧非好

古而能索其者妙矣與焉原

熙間翰林李壇王君竹雲工八

澹然嗜前賢遺墨所乃金
石刻一動稽真贗手題掌錄
必研審再三而後著於篇注
予見竹雲京邸圖史左右其
積帙玉梁松間者溯古澹書

也既同館相善安正直適性
見竹雲斯夕丹鉛解析竊
苗螽不少置則進規曰子
為張仲揚柯丹耶其人耶
竹雲笑謝予曰人各有癖

此不為疲也竹雲張數十年
人稍知愛其手蹟再其題
跋而裒集之者不一家壽
泉得而刻之凡四卷同里楊子
竹坡復乃其續成十卷校梓

以傳抑顧寧人所謂同此好者
繼而錄之者非歟昔孫莘老
守吳興細羅僊仆剗歟於荒
坡野州之間莫不甄錄其墨妙
亭石刻大半載王象之碑目而

劉原父在長安時地多古篆鼓
鏡甌等彝之屬愛其款識文
字奇古因以攷知三代制度其
先傳所說不同者予嘗惜其鄉
曹侯園先生聚法書數十年自

大禹岫嶠碑以下凡八百七十條
憲自為表示後迄今散佚不
傳一字曩為舉似竹雲升雲
願不少懈使其乃孫劉覽古之
地輯而讀之要知其所以必有

與歐趙諸人相類類者而豈僅
此一刻再刻已也宋順居士錢
陳羣時年八十有九

壺月題跋序

國朝書家後先炳蔚王翦林先生名震
盛先生篆法直追唐漢深自矜賢故人
得而藏弃者真行居多先生取上下數
千載生平臨撫舊蹟各為題跋李核詳
確鉤元洞徹洵書學之秘苑也論者準

前賢集錄諸書意存乎見少其皮相之
流歟夫入五韻之肆山海珍奇瓌恠煇
燦爛然雜陳擗眩心目冥若清門舊族
承積厚之餘儲真蘊采不必盡天下罕
有之物所永在懷握者自極深傳之上
品也冥搜遐想之士所少按圖經繙志

棄名幽神境可開
萬恙歟冥若藤杖
屨任情獨往就所
豈陟高深壑秀之
狀雲飛烟結林攢
瀑瀉之景時吞吐
幽沒於胸坎也習
與俱化乃通乎神
豈浮游繁富者官
乎勝哉先生從心
腕間窮力追摹瀝
其膏液不知古人
爲我二爲古

人舉凡傳授變化淺淺異同秘奧畢宣
無少晦匿是書家之微言非文人之博
覽其中紂史氏之闕遺析傳聞之外誤
特齒耳餘馥焉耳先生竹雲題跋已有
刊本楊君笠山須得虛舟題跋十卷較
竹雲本稍多論說間有小異為校刊而

並行之茲山蘊藉好古亦與有功於藝
林已余書學茫昧多承先大父司寇公
意習隸書迄今於古所謂投戟揚波雄
奇靈逸終未近侶惟竊謂漢隸蟬法於
神唐隸凝神於法唐之視漢屏聖域之
大幾於化學者不守唐人矩矱何由問

漢人途徑今人哆口漢隸實較狡獪者
所愚弄賄招譏訕牢結吾舌先生黜已
痛切推繩力掃華陰重霧即此匡謬祛
惑之功為益寧有涯量哉
乾隆辛卯九月十有八日桐鄉馮浩序

虛舟題跋目次

卷之一原卷第四

比干墓殘字

見竹雲本者不錄
虛舟本復有跋者仍錄

魏鍾繇諫伐吳表

魏鍾繇薦季直表

晉王羲之十七帖

金壇王

澍翁林著

吳興溫

純一齋訂

晉王羲之二十二帖

晉王羲之筆陣圖

晉孝女曹娥碑

晉王羲之官奴帖

晉王羲之頭眩方

晉王羲之豹奴帖

晉王羲之行穰帖

淳熙續帖羲之帖

明豐坊所藏羲之帖

晉王獻之洛神賦全本

晉王獻之洛神賦十三行

晉王獻之請加禮謝太傅表

晉王獻之中秋帖

卷之二原第五

晉武帝帖

晉郗恢書

晉王薈書

晉王珣書

晉王廙兩表

晉謝安書

晉謝莊書

梁摸王羲之樂毅論

梁塵鶴銘考并圖

梁武帝書

梁王彬書

梁陶隱居書

隋龍藏寺碑

隋緣果道場磚塔記

卷之三原第六

唐歐陽詢皇甫府君碑

唐等慈寺碑

唐昭仁寺碑

唐歐陽詢化度寺邕禪師碑

唐歐陽詢九成宮醴泉銘

唐歐陽詢虞恭公碑

唐歐陽詢小楷千文

唐歐陽詢迴京二帖

唐歐陽詢臨右軍帖

唐歐陽詢小楷千文覆本

唐中宗賜滎陽令勅

唐馮承素摹本樂毅論

唐僧懷仁集王羲之書聖教序

卷之四原第七

唐李邕少林寺戒壇銘

唐虞世南孔子廟堂碑

唐虞世南汝南公主志

唐虞世南醒滯帖

唐虞世南積時永公塔二帖

唐摹褚遂良文皇哀冊

唐褚遂良雁塔聖教序

唐褚遂良黃庭經

思古齋石刻

思古齋殘本

唐褚遂良東山二帖

卷之五 原第八

唐薛稷杳冥君銘

唐薛稷正立三帖

唐徐浩嵩陽觀碑

唐竇際寺隆闡法師碑

唐王真公主靈飛經

唐李邕縉雲帖

唐韓愈書

漢將紀信碑

唐鍾紹京書三彌底部論上卷

唐褚遂良益法師碑

卷之六 原第九

唐顏真卿多寶塔碑

唐顏真卿送裴將軍詩

唐顏真卿祭姪季明藁

唐顏真卿祭豪州伯父藁

唐顏真卿華岳題名

唐顏真卿竹山聯句

唐顏真卿送劉太冲叙

唐顏真卿自書太子少師告

唐顏真卿朱巨川告

朱巨川小楷告

唐顏真卿麻脯帖

唐顏真卿華嚴帖

唐顏真卿玄靜先生碑

唐顏真卿家廟碑

唐顏真卿集卷之七 原第十

唐顏真卿郭太保廟碑

唐顏真卿論坐稿

唐顏真卿太字麻姑仙壇記

唐顏真卿小字麻姑仙壇記

唐柳公權玄秘塔碑

唐柳公權司馬公達帖

唐王居士磚塔銘

唐李文墓志銘

唐白樂天書

唐林緯乾書

唐僧懷素藏真律公三帖

唐僧懷仁蘭亭後序

唐人雁塔題名

卷之八 原第十一

宋歐陽脩瀧岡阡表

宋蘇洵臨顧帖

宋蘇軾廬山寶書真跡

宋蘇軾書心經楷跡

宋蘇軾黃州謝上表

宋蘇軾跋吳道子畫

宋蘇軾書

宋黃庭堅夷齊廟碑

宋米芾西園雅集記

宋米芾顏魯公碑陰

宋御府蘭亭藏本

宋米芾露筋碑

宋米芾拜中岳命詩

宋米芾燕然山銘

宋米芾雜帖

宋米友仁書

宋岳飛書

宋蔡卞書

宋張即之書

宋張南軒荔枝帖墨蹟

宋賈秋壑玉枕蘭亭

元趙子昂篆書酒德頌真蹟

元趙孟頫大道歌篆書

元趙孟頫書小楷洪範真蹟

元趙孟頫井上蘭亭

元人墨跡

元僧元浩金書法華經

元高房山雲山圖

明文徵明隸書千文

明祝允明蘭亭并文徵明圖

明祝允明小行楷

明祝允明家訓楷書

明董其昌臨黃庭內景經

卷之九原第十二

萬松山房蘭亭

蔣拙存為吳曦洲臨古帖

書賓陽子叙後

書蔣拙存心經後

秦南沙太史臨曹全碑

秦楸澧臨曹全碑

積書巖臨古帖自題

續書千文兩種

倣褚河南

倣顏魯公

臨聖教序

摹本蘭亭

自書千文

書謙家人兩卦篆書後

惠山第二泉跋

虛舟玉屑

書表生上簡臨禮器碑後

稻孫臨褚河南雁塔聖教序

稻孫臨褚河南同州聖教序

稻孫摹唐四家稊序

評宋四家書

蔡君謨

米元章

黃山谷

蘇東坡

卷之十原第十三

五代僧貫休散髮維摩

宋李公麟山莊義訓圖

宋李公麟三高圖

元王村明溪閣閑碁卷真跡

明卓迪脩穉圖

明唐寅春夜燕歸圖

明董其昌仿黃子久富春卷

王奉常晴嵐暖翠圖

顧玉停鍼刺蘭亭圖

王石谷溪山清遠圖

王石谷山水

古洛神賦圖

黃蓴古山水

惲南田畫

惲南田詩畫

題觀潮圖

書裴魯青雨中勸農圖後

竹雲圖

書錫山五賢像後

書邵文莊公貞義祠記

高忠憲公攀龍像贊

高忠憲公盡節池

虛舟題跋目次終

虛舟題跋卷一原第四

金壇王

吳興溫

純一齋訂

魏鍾繇賀捷表見竹雲本

比干墓殘字

水經注云朝歌縣牧野比干冢前有石銘繇云
殷大夫比干墓今此石尚存大夫二字闕墓字
漫不全世傳以為孔子書按繇始於秦不應孔

唐書卷二
子時遠有隸書故秦觀以為唐人筆愚意此四字筆力淳古隋拔唐人所不能及然字原以為是漢人者亦過今玩其筆法結構與魏公卿上尊號表奏受禪兩碑絕相似定當是魏人書集古錄云唐賢多傳此二碑為梁鵠書而顏真卿以為鍾繇書則此四字若非梁鵠定是鍾繇真卿淵鑒必非無據揔之鍾繇梁鵠紛紛聚訟所不能定然目為魏人書竊自謂不磨之論魯公

復起不能易矣

焯按竹雲定本謂此當是秦漢時人書則所謂魏人書猶非定論也

魏鍾繇諫伐吳表

魏志文帝紀黃初三年冬十月孫權復叛復郢州為荊州帝自許昌南征諸軍並進權臨江拒守據此則魏之伐吳乃在黃初三年而此表云黃初元年十二月甲戌按帝以是年十月庚午

踐阼十二月營洛陽宮戊午幸洛陽未嘗南征也又鍾繇傳繇初以說灌汜功封東武亭侯魏國初建為大理遷相國文帝即王位復為大理表稱大理略與史合然繇之為大理乃在文帝即王位之時及帝踐阼改廷尉封崇高鄉侯不得復稱大理亦不得復稱東武亭侯也以此表質之魏志無一合處定是偽書表末以臣無任不獲之命及戎路扈從乃攬取賀捷表中之語

為之鍾繇之免相國在建安二十四年九月及
文帝踐阼方屢加封爵且有一代偉人之目未
嘗罷官安得云無任其偽不疑

魏鍾繇薦季直表

此表自魏黃初二年厯元至正九年凡一千一
百五十三年皆不著至元時陸行直始發之自
是以來名流讚歎遞相傳授遂為太傅第一真
蹟無敢更有異論按鍾繇傳繇以說李淮郭汜

功封東武亭侯在獻帝初平三年及文帝踐阼
改廷尉進封崇高鄉侯今此表在黃初二年則
文帝踐阼已踰年繇之進封崇高鄉侯久矣不
得復稱東武亭侯又銜稱司徒按繇於初平間
由御史中丞遷侍中尚書僕射文帝即王位為
大理及踐阼改廷尉未嘗為司徒與史書皆不
合又表稱季直功在饋餉先帝賞以封爵授以
劇郡當武帝與袁紹轉戰延津官渡間衆少糧

盡幾危者數矣既賴直饋餉始得破紹由此遂
得定天下則直之有功於魏者大法應得書今
魏志不為立傳而官位勲爵又與史無一合當
是偽跡書雖古雅然比於唐模賀捷真跡韻味
淺淺倍萬懸絕前人有是李公麟書之疑觀其
筆法信是公麟所作故自唐宋來未有稱述至
於元時陸行直不能深究本末漫以卷後有鍾
繇銜名遂妄意推許以為太傅真蹟實則不堪

研核磔著粉碎耳或疑卷中民字闕筆當由唐人重文皇諱以此決其為唐以前書然安知非作偽者故意剝去乎指此為證正不如援援史書之真實不磨也此卷初為沈石田所收嘉靖閒在錫山華氏刻真賞齋中後為大吏脅取以獻分宜嚴相國嚴敗沒入內廷復以代祿轉落人閒為王弇州所得反覆轉徙至康熙中入真定梁相手雍正二年雙峰年太保入覲還過真

定此卷遂歸於年未幾年敗又復沒入雖名蹟
流傳有緒實皆由耳鑒耳至祝京兆指為焦季
直直是誤認候字不足一笑也

又陸行直跋稱以至元甲午得此卷未幾失去
以至正九年重得之得失歲月歷五十六載元
有两至元此至元甲午乃是世祖至元三十一
年非順帝之至元也并附書之

焯按薦季直表今為

三希堂帖第一種

洵墨王也竹雲本已謂太傅晚年融釋脫落
渣滓盡去之作且云史書往往多誤以所校
勘或史誤亦未可定蓋已審定其為真蹟矣
此跋又何足據以其辯博故仍錄之

吳皇象天璽紀功碑見竹雲本

吳皇象急就章見竹雲本

晉王羲之十七帖見竹雲本

右軍為會稽王懷祖檢察苛急右軍罷於簡對

遂於父母墓前自誓去郡作書與謝萬石薛世
為采真之遊此十七帖大半皆優游人外語蓋
是其去郡後事故風裁清迥無復一點塵氣皆
右軍絳世帖也然志登岷嶺峨眉竟不獲遂服
食採藥壽止五十有九豈造物者限之有數存
其間耶此卷唐模墨跡比世俗流傳本少一十
五行從容衍裕氣象超絕去真蹟僅隔一紙後
有唐文皇勅字及褚中令楷跋皆是奇蹟

焯按首一跋與竹雲本不同蓋竹雲本別有
著說也

晉王羲之二十二帖

右軍二十二帖前十六帖為豐考功南禺所藏
豐題其後云太清樓古刻按曾淳石刻補叙元
祐五年秘省乞以淳化閣帖所未刊前代遺墨
入石有旨從之至徽宗建中靖國元年八月畢
工凡十卷其第四卷羲之暨其子孫之等筆此

冊標題下有捺之等附四字正是閣帖續本第四卷而南禺目為太清樓古刻者徽宗既刻大觀帖十卷於太清樓又以淳化秘閣續帖十卷易其標題去其歲月與官屬名銜以為太清樓續帖即是淳化續帖豐氏之云洵是考之最核者也全帖不可得見所見僅此一十六帖耳而縱橫古雅右軍龍跳虎卧之奇淵然可見比於閣帖故當竄過數倍而自宋至今競賞閣本此

太清樓續帖遂至湮沒無傳貴耳賤目自古已
然深可恠歎余得此冊於京師愛其奇麗手自
精摹重勒之石標題之下捺之等附四字不復
刻者以捺之等書失去也卷後官奴二謝兩帖
不知何本所刻鐫法精絕僅下真蹟一等定非
宋時名手不辨詹仁已下四帖奇古可愛亦是
宋本并麗卷後以成右軍一段殊觀

晉王羲之筆陣圖

唐孫過庭書譜云代有華陣圖七行中畫執筆
三手圖貌乖舛點畫湮訛頃見南北流傳疑是
右軍所製雖則未詳真偽尚可啓發童蒙則在
唐時已疑為偽今世所行既不止七行又無執
筆三手且其文字較集中所載差誤既多遺脫
過半又以張昶誤作張旭張旭唐人右軍意中
焉得有此而預書之以此而推則此書正在唐
後與同州大草蘭亭皆出一人手當是五代時

人所書更非孫過庭所見本也此書比於唐人骨力已鬆然書猶質正無宋人佻巧氣習猶可存錄若世俗所行楷書本前有右軍像者則是墨工槩人所作更不直一笑矣

晉孝女曹娥碑

後漢書載曹娥事與碑畧同而有微異碑云盱能撫節安歌婆婆樂神所謂婆婆者即撫節安歌之貌也而史云迎婆婆神則竟為江神矣又

不書其抱父屍以出事夫孝之大至於感鬼神
通生死乃為真至娥以十四齡女子號泣求父
至十七日之久又經五日卒能抱父屍出與父
同命此其孝思所感神人鑒之雖為日已久遂
終其志固其所也而闕而不書豈以其事與殽
先雄正相類而雄之所處尤難故闕之乎然則
度尚碑之有造於孝女者大矣
此碑本縮書適古勁健在諸小楷中別又一格

昔人評此書謂如幼女漂流於波浪間殆不可
曉觀其情思怫鬱骨道韻促得孝女哀號求父
之意為多此古人書所以不唯肖其顏并且追
其神者也書家解此方入神品

焯按此跋凡三段中一段已見竹雲本

曹娥碑別本見竹雲本

晉王羲之王略帖見竹雲本

晉王羲之快雪帖見竹雲本

晉王羲之畏鮐帖見竹雲本

晉王羲之官奴帖

右官奴帖真蹟冷金箋書有明神廟時在新安
許文懿家後歸吳用御太學董宗伯所摸入戲
鴻堂者即此也然較余所得宋榻本字跡既殊
工拙亦異此為真蹟彼所摹刻者又當何據耶
去古既遠真贋難辨此僕論晉唐行楷所以謂
但當問佳惡不須辨真贋者也以其為真蹟故

聊復存之耳

晉王羲之頭眩方

黃伯思東觀餘論云政和丁酉六月七日襄州教授丹陽陳君孝友見過云崇寧間彭諫議君時守潯陽後兵於山間屬石得一大石中空內有小石若碑版然視之有刻文即此碑也大石未破時堅完無際不知緣何有此逸少嘗在江州豈晉以後好事者回移刻於石間與當時伯

思所得陳教授本即潯陽元刻比絳帖差幾連
結字互有工拙余未覩元刻僅從絳本臨摸然
清圓變化故是玉潤帖一色筆墨米老目為永
興書恐是皮相

晉王羲之豹奴帖

右軍豹奴帖見希白潭帖中右軍平生作章草
存於世者唯此一帖耳大令江東帖乃是後人
依託不足錄故闕之

晉王羲之行穰帖

思翁釋文還衣作還示按衣字中華右拂疑當作哀姑存其說以俟知者

淳熙續帖羲之帖

右八帖淳熙秘閣續帖所刻比於淳化官帖殊清迥有出塵之姿右軍風裁去之應不甚遠

明豐坊所藏羲之帖

右一十七帖豐考功南禺所藏南唐古刻也閣

帖以下皆無之惟董氏戲鴻堂略見一两帖而摹刻凡陋不逮遠甚余以康熙丙申獲自京師以為右軍諸帖之長心慕手追不啻百數今日早起獨坐兩窓精心臨仿一過頗有入處

晉王獻之洛神賦全本

陳思王賦洛神蓋即離騷思美人之意時植以飲酒任性不自彫勸見疎於上黃初四年來朝帝責之置西館未許朝見植乃上責躬詩以自

訟此洛神賦蓋即責躬之義繫心君王綿綿增
慕雖僅得一見而正恐一逝異鄉九泉永隔故
託此見意而或者以為感甄考之於史多所未
據後漢書孔融傳云曹操攻屠鄴城袁氏父子
多見侵掠操子丕納袁熙妻甄氏魏畧云鄴城
破文帝入紹舍后脇伏姑膝上帝令舉頭就視
見其顏色太祖聞其意為迎取之魏志云甄皇
后上蔡令甄逸女建安中袁紹為中子熙納之

及異州平文帝納后於鄴則甄始為袁熙婦終
為文帝后無疑也而李善注此賦則云東阿王
漢末求甄逸女不遂太祖回與五官中郎將植
殊不平晝思夜想忘寢與食黃初中入朝帝示
植玉縷金帶枕時甄已為郭后讒死植見枕泣
下朝還息洛水上忽見女子來自云我本託心
君王其心不遂此枕是我嫁時物遂薦枕席歡
情交集又云豈不欲常見但為郭后以糠塞口

今被髮掩面羞將此形顏重覩君王耳言訖遂
不復見遣人獻珠於王王荅以玉珮悲喜不自
勝因作感甄賦後明帝見之改為洛神賦此說
吊詭不實蓋剽取賦中恨人神之道殊陳交接
之大經一段語意為之李義山詩來時賓館阻
佳期去後漳河隔夢思元微之詩亦有班女思
移趙思王賦感甄之句蓋皆同此亦猶會真記
一文人造此女遂至橫被千古不可改為耳其

實不足據也按魏志黃初二年植與諸侯並就國灌均奏植醉酒悖慢劫脅使者貶爵安鄉侯尋改鄆城侯三年立為鄆城王四年徙封雍邱王其年朝京都則植來朝乃在四年而賦序則云黃初三年當由志誤

世多以洛神賦為子敬書按馬澄評書謂勸進洛神賦諸書十餘種皆作今體李陽冰謂右軍此書與畫象贊同稱為右軍之跡又廣川董道

書子敬洛神賦後云逸少此賦當以為第一今
無復存但子敬所書猶傳疑未可以伯仲間論
也則逸少嘗書此賦可知子敬世其家學故亦
好書此賦世人每見洛神本皆以歸之子敬正
猶東漢諸碑多以為蔡邕書耳故黃長睿以洛
神小楷銜為子敬書餘所流傳豈盡大令筆蹟
要當鑒以心目勿信耳傳為佳余所得寶應喬
徵君全本真行草章蕪備精古殊絕與世所流

傳十三行本不類疑是右軍書或即大令所書
別本皆未可定要之自是無上太古第一妙蹟
正不必鑿取一人為主名也

晉王獻之洛神賦十三行

古帖往往多別本每名蹟出一巨公為之提
唱遂至千臨百模競相傳刻不惟書法懸絕
并其文字亦多異同如右軍蘭亭大令洛神
十三行魯公麻脯北海縉雲等帖是也自黃

長睿以十三行為子敬真蹟遂轉相倣效好醜不同不可疏舉今以所見列其佳者以備采覽

唐臨墨蹟梁谿安氏所藏邵魯訓以油箋摸得一紙余從京師見之離方遁圓不守繩墨而自出勝槩全是禊序內景妙處定從真本摸得者唐人為法度所窘不能及也或者目為褚公所臨褚公天才超逸其摸禊序可謂具體而微及

其自運則但有右軍之一體此本變化侘異意在法外謂褚公所模則可謂褚公所臨則不可十三行傳本不一要未有出此上者有此天工正未可以人力爭也唐臨墨蹟

焯按竹雲本僅有此跋亦有增損處

十三行刻本以武進唐荆川先生所藏為天下第一腴潤飛動骨在畫中態出字外精采艷發奕奕動人今在其六世孫薊門制府家余曾借

摹一本以端石精刻凡三月乃成比於原刻形神具足遂出元晏本上武進唐氏本

比於梁谿華氏得劍光閣所藏古搨一本字勢腴勁與荆川本正同而搨為蟬翅尤覺紙墨古雅神彩煥發行間闕九字又與荆川本小異荆川本今薊門制府球圖守之不可復得見此本不復使人念荆川矣梁谿華氏本

十三行傳本不一唯安氏唐模墨蹟奇絕一世

次則賈相西湖本新建裘氏本猶能自闢門戶
餘皆依約唐氏本無少踰越梁谿秦氏春星草
堂所藏純用黃庭內景筆法稍加豐腴致有傑
思且以十三行為十四行乃從所未有尤新異
也此本不知何人所臨何人所刻圓勁飛動別
有意態審是古搨獨具新規可寶也梁谿秦氏本
武進孫文介公慎行以荆川本重摸於元晏齋
首行有元晏齋及吳門管一蚪摸九字款精心

模刻年許乃就今世所行十三行無出此上者
然以較荆川本則氣象之厚薄筆力之今古迥
絕中損九字武進人傳說本分以字不當意鉅
損及得華氏本凡孫本鉅損字皆闕乃知文分
蓋以華本為正故鉅損之然則華本之是匹休
唐本蓋可知矣武進孫氏本

元晏本外涿州馮氏本盛稱於時且云即元晏
本董思白以宋牋精搨割去首行偽為宗本售

利於人然余曾見元本於京師董凡六跋今所
刻者乃第一跋亦已節去其三之一矣帖本損
法枯燥無唐本清明潤澤之氣並非孫本觀此
知事非經見僅據流傳誤人不少涿州馮氏本
康熙戊戌三月新建裘魯青在京師出見洵溝
者得片石視之有文洗之則洛神十三行也以
小錢十九文易之以歸石已破亡其半止存七
十餘字行間多有闕文左角下方又有樂毅論

中三字不知何由細玩筆法蒼茫中有逸氣勝近代刻本百倍洛神賦既跡遺頭尾但存一十三行又何不可六七行乎新建裘氏本

西湖本者相傳得自西湖為篙工所傷故字多剥食向在海寧陳乾齋相國家後歸翁蘿軒學使今在越州汪氏余曾借捐數帛石方尺許厚五分淺黑色與賈秋壑玉枕蘭亭正同世亦名之為玉版本然蘭亭石理堅潤利刀試之不能

入此本字既散緩不收石亦新而不古既云淪落西湖為篙工所傷豈有正面剝蝕覆獨完好之理當由蘿軒偽刻一本以售於汪汪耳食而不之省遂信以為真耳余以其盛有聞於世故列之卷末而為之辯如此

西湖本

晉王獻之請加禮謝太傅表

按晉史謝安以晉孝武帝太元十年乙酉八月薨是時獻之徵拜中書令朝臣議安贈禮頗有

同異獻之上表明之按先時肥水之捷功雖出
謝石謝元然籌畫機宜者安也安為宰輔功莫
大於此表所稱載宣威靈強猾消殄者是也既
破苻堅以功晉太保都督揚荊等州諸軍事加
黃鉞上表切讓表所稱功勲既融授敕高讓者
是也安少有公輔之望而高卧東山屢徵不起
及居宰輔而東山之志始終不移表所謂弱冠
退棲等語皆實錄也安薨時年六十賜賚甚厚

贈太傅謚文靖皆獻之一表之力也時獻之年
四十二明年遂卒此表世不經見惟故少司寇
卞令之家有之後有朱考亭跋皆墨寶也

晉王獻之中秋帖

米元章目此為天下第一子敬書然從來摸本
分大軍以上為二帖董文敏以其文意相屬始
為合之信快事也

晉王獻之桓山殘碑見竹雲本

虛舟題跋卷二原第五

金壇王

澍
簞林著

吳興溫

純
一齋訂

晉武帝帖

此晉武帝書或於帑末加王羲之三字款虞伯生竟目為右軍書誤也今據汝帖改正

晉郗恢書

阿乞書法名齊乃兄故述書賦有草勢兄優正

書弟潤之語此授衣帖四行矐朗多姿故當步
驟參軍也

晉王薈書

庾肩吾書品謂衛軍書動成楷則殆逼前良今
所存唯萬歲通天進帖中三行耳已半剥食不
可讀矣余以其僅存者臨之使衛軍風裁不至
淪絕亦較為得也

晉王珣書

法護為丞相導之孫吳郡內史洽之子宣和書譜稱其家範世學草聖有傳閣帖止冬末四行余從僧希白潭帖中得伯遠帖因并臨之

晉王廙兩表

黃伯思云世將兩表極古信能傳鍾氏筆意而右軍學之也閣帖所刻風力柔緩不如快雪本轉勅王有古意安見古今人果不相及耶

晉楊羲黃庭內景經見竹雲本

晉謝安書

此臨寶晉宋本董氏戲鴻亦載此帖而米老標
題便大脫失焉問筆法故知戲鴻之草略為千
古第一惡札也

晉索靖月儀章見竹雲本

宋謝莊書

右謝希逸詞翰南唐李主所藏賀方回稱其字
畫遒勁勢若飛動余精意臨模如六朝風格信

非唐以後所能追躡也

梁模王羲之樂毅論

樂毅論乃右軍書付第七子獻之者後有記云
永和四年十二月廿四日書付官奴官奴大令
小字大令幼年作書右軍潛於後掣其筆不脫
故書此賜之規矩整齊不作一縱筆亦緣大令
書多豪縱故抑置之令就規繩也此書為右軍
正書第一張彥遠法書要錄云梁世模出天下

珍之自蕭阮之流莫不臨學陳天嘉中人得之以獻文帝帝以賜始興王始興薨仍歸廢帝帝殂又屬餘杭公主公主以前王所重恒加寶愛陳氏諸王皆求不得唐有天下追尋累載方得文皇甚重之貞觀十三年四月九日勅內出樂毅論命馮承素模寫分賜長孫無忌等六人於是在外乃有六本並筆勢精妙備盡楷則見於褚遂良所記中宗神龍時歸之太平公主先天

中公主伏誅為咸陽老嫗竊去縣令追急以投
爨火於是樂毅真跡遂亡

石本者宋學士高紳所藏沈存中夢溪筆談以
為右軍親書於石其他皆紙素所傳獨樂毅真
跡為石本後隨太宗入昭陵朱梁時耀州節度
使溫韜發昭陵得之復傳人間按前所記樂毅
論自有紙素本源流井然溫韜所發乃蘭亭非
樂毅也高氏石刻當別一摸本梁武帝答陶貞

白書逸少樂毅論乃微鹿健恐非真跡陶上啓
云樂毅論心甚疑其非真而不敢言令旨以為
非真竊自信頗涉有悟又唐武平一少育宮中
見扇書樂毅論平一所見乃是唐人臨本今高
氏石本正鹿健非出梁武帝所疑本即是平一
所見扇書高紳學士為湖北轉運道中聞砧聲
清遠曰得此本於其覆而已斷裂矣遂載以歸
完理緝綴積以木箱紳死家人初不知惜好事

者徃注就閱或摸傳其本其家遂秘藏之漸為
難得皇祐中紳子安世為錢塘主簿携石以行
所存四纔得一末後獨存一海字一片耳後其
子弟以此石質錢於人為郎官趙竦所得元祐
間竦被旨開呂梁洪挈此石隨行竦尤珍惜有
求者必手摸遺之竦歿遂不知所在歐陽公謂
火焚其石者非也此石魚健定非右軍墨蹟又
有一本宋初翰林侍書王著寫用筆圓熟而乏

王氏逸韻今世流傳全本蓋即王侍書本且又轉相摸搨失真已甚不足存也又有一本宜興周抑齋所藏後無永和四年書付官奴款而有貞觀六年褚遂良奉勅審定及排類跋張宣公敬夫題為右軍真跡真跡唐初已亡安得至宋復存宣公之語恐是臆揣無據褚河南貞觀六年一跋亦屬後人依託唐徐浩古蹟記云貞觀十三年十二月太宗以二王書裝成部帙命起

居臣褚遂良排署則排署乃貞觀十三年非六年也今此本刻馮氏快雪帖中骨柔韻短定是後人偽託豈惟非右軍亦斷斷不是梁唐摸本以付書史鈔胥作粉本可耳今定著樂毅論正本當以梁摸為正

樂毅真跡既亡梁時摸本猶自流傳於世唐人所摹蓋據梁本卷後有朱异徐僧權款及右軍永和四年書付官奴記者梁摹也其無此款記

者唐模也今余所收僧希白潭帖本正是梁時
所摸且不關唐諱定是梁也此本與吾家鬱岡
帖新安吳氏餘清帖所刻正同柔開蕭散逸態
橫出邢太僕子愿所謂既純且綿亦溫而栗者
信是樂毅第一非高氏石本可並

梁塵鶴銘考并圖以今現存字圖之

江陰真宰

丹陽外仙尉

真侶塵介

洪流前固圭

唯易事亦微
相此胎禽浮
山之下仙家
未遂吾明

歲得於茲
上白

厥土惟寧後蕩
非表留
石旌事篆銘不朽詞曰
也乃以玄黃之幣歲乎
歲化於朱方

原石凡五出左第一出二行存六字金字四半
字二中上一出六行存二十九字金字二十五
半字四中下左一出三行存二十三字金字十
五半字八乃宋人補刻右一出三行存一十七
虛舟題跋卷二

字全字十六半字一右款三行存一十三字全
字十一半字二共一十二行凡八十八字

焯按竹雲定本云今共存全字七十半字十
凡八十字較虛舟原本少八字今以原本考
之則歲化於方四字隱見不可搨之幣歲乎
四字僅隱隱可見耳餘跋語大致相同不復
錄

梁武帝書

梁武異趣帖墨蹟在華亭相公家曩在京師時
曾欲借觀未果今相公已薨未知尚存不也

梁王彬書

思文僧虔子仕梁為秘書監篆隸與書聖齊名
時人為之語曰三真六草為天下寶廣陵帖三
行故是秘書吉光片羽也

梁陶隱居書

隱居在茅山得楊許三真君真跡學之故蕭遠

澹逸似其為人此書法度之外別有清韻已開
歐虞之先

隋龍藏寺碑

龍藏寺在今北直正定府今名龍興寺碑以隋
開皇六年恒州刺史鄂國公金城王孝儼立末
行張公禮下僅有一之字之下闕為撰為書皆
不可知而都元敬竟坐張公禮為撰文未免太
鑿碑立於隋而張公禮猶書齊官無所顧忌則

其不屈於隋可知而隋禁網之寬大亦於是可見書法適勁無六朝儉陋習氣蓋天將開唐室文明之治故其風氣漸歸於正歐陽公謂有歐虞之體此實通達時變之言非止書法小道已也碑中字多譌謬如以何人為河人五臺為吾臺之類不可一二數蓋當六朝荒亂之餘同文之治破滅已盡此雖已稍歸於正而其宿氣猶有存者此固事理之可推無湏厚非者也

歐陽公集古錄謂碑在常山府治之門常山今
之正定府也明都元敬以使事過正定嘗遊龍
興寺見碑在殿前而謂歐陽公未嘗身歷其地
故至誤書今顧寧人金石文字記又謂在殿中
不知寧人亦曾親至否如顧說又未知何時移
入殿中也

隋緣果道場磚塔記

碑立於隋煬帝大業九年據金薤琳琅無書撰

人名氏近見閩中蕭氏所收古榻前有太子率
更令歐陽詢撰并書款心甚疑之按新舊唐書
詢以太宗貞觀初晉率更令安得於隋時便已
書之當由好事者以書似率更妄意增此一款
耳當以金薤琳琅所載無名氏者為正
大段歐虞褚三家書隋末唐初多有似者如昭
仁寺碑之似虞緣果磚塔記之似歐文蕩律師
碑之似褚皆由三家名盛一時仿效者衆故往

唐書卷一百一十五
往似之耳實則三碑書本自佳自足名世好事
者強名歐虞褚反掩其美欲為三碑增其光價
轉啟後人多少議論無識人帶累前賢不少